



Broj: 02-14-2149-1/18

Velika Kladuša, 17.08.2018. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i člana 8. Pravilnika o vrstama, kriterijima i načinu raspodjele novčanih sredstava iz Grantu za razvoj poljoprivrede iz Budžeta Općine Velika Kladuša za 2018. godinu, broj: 02-14-2149/18 od 15.08.2018. godine, Općinski načelnik Općine Velika Kladuša raspisuje:

JAVNI POZIV

za ostvarivanje prava na novčanu podršku u primarnoj poljoprivrednoj proizvodnji za 2018. godinu.

Pozivaju se pravna lica, obrtnici i fizička lica (u daljem tekstu: kandidati) sa prostora općine Velika Kladuša koji poljoprivrednu proizvodnju ostvaruju na području općine Velika Kladuša da apliciraju na Javni poziv za ostvarivanje prava na novčanu podršku u primarnoj poljoprivrednoj proizvodnji za 2018. godinu. Novčana sredstva su obezbijeđena u Grantu za razvoj poljoprivrede u Budžetu Općine Velika Kladuša za 2018. godine.

Opći kriteriji za odabir kandidata su slijedeći:

- da je upisan u Registar poljoprivrednih gazdinstava i Registar klijenata,
- da je primarna poljoprivredna proizvodnja ostvarena na području općine Velika Kladuša,
- da nema dospjelih a neizmirenih obaveza prema Općini Velika Kladuša,
- da je izvršeno ažuriranje podataka za postojeće klijente do 31. marta 2018. godine odnosno da su novoregistrovana poljoprivredna gazdinstva upisana u Registar poljoprivrednih gazdinstava do 31. maja 2018. godine.

Posebni kriteriji za odabir kandidata po pojedinim vrstama primarne poljoprivredne proizvodnje su definisani Pravilnikom o vrstama, kriterijima i načinu raspodjele novčanih sredstava iz Grantu za razvoj poljoprivrede iz Budžeta Općine Velika Kladuša za 2018. godinu, broj: 02-14-2149/18 od 15.08.2018. godine, kako slijede:

ANIMALNA PROIZVODNJA

Subvencioniranje troškova proizvodnje kravljeg mlijeka

Pravo na novčanu podršku ostvaruju kandidati koji proizvode svježe kravlje mlijeko te sudjeluju u lancu otkupa mlijeka na komercijalnoj osnovi. Podrška iznosi **40,00 KM** po mliječnom grlu za pravna lica i obrtnike dok za fizička lica iznosi **25,00 KM** po mliječnom grlu. Uz zahtjev za novčanu podršku, kandidati prilažu slijedeću dokumentaciju:

- a) kopiju potvrde o provedenim obaveznim mjerama zdravstvene zaštite životinja
- b) kopiju pasoša goveda (mliječno grlo) na ime vlasnika, obrta ili pravnog lica.

Subvencioniranje troškova ovčarske proizvodnje

Pravo na novčanu podršku ostvaruju kandidati koji se bave ovčarskom proizvodnjom. Novčana podrška za subvencioniranje troškova ovčarske proizvodnje iznosi **5,00 KM** po rasplodnom grlu za pravna lica, obrtnike i fizička lica. Uz zahtjev za novčanu podršku, kandidati prilažu slijedeću dokumentaciju:

- a) kopiju potvrde o provedenim obaveznim mjerama zdravstvene zaštite životinja za rasplodna grla i
- b) kopiju Zapisnika USS Poljoprivrednog zavoda USK o utvrđenom broju rasplodnih grla (ZAP).

Subvencioniranje troškova uzgoja pčelinjih društava

Pravo na novčanu podršku ostvaruju kandidati koji se bave pčelarstvom. Novčana podrška za subvencioniranje troškova uzgoja pčelinjih društava iznosi **6,00 KM** po pčelinjem društvu za pravna lica i obrtnike dok za fizička lica iznosi **5,00 KM** po pčelinjem društvu. Uz zahtjev za novčanu podršku, kandidati prilažu slijedeću dokumentaciju:

- a) potvrdu općinskog udruženja pčelara u kojem je korisnik učlanjen, da materijalno i krivično stoji iza podataka o broju aktivnih pčelinjih društava u vlasništvu korisnika i da se korisnik nalazi na popisu članstva udruženja u 2018. godini i
- b) kopiju potvrde o provedenim obaveznim mjerama zdravstvene zaštite životinja.

BILJNA PROIZVODNJA

Subvencioniranje proizvodnje jagodičastog voća

Pravo na novčanu podršku ostvaruju kandidati koji se bave proizvodnjom jagodičastog voća. Ova proizvodnja će se subvencionirati prema otkupljenoj količini jagodičastog voća u maksimalnom iznosu do **20.000,00 KM**, raspoređenih prema dokazanoj otkupljenoj količini s tim da će iznos subvencije za pravna lica i obrtnike iznositi 50% više u odnosu na subvenciju za fizička lica. Uz zahtjev za novčanu podršku, kandidati prilažu kopiju slijedećeg dokaznog dokumenta:

- a) pravno lice dostavlja fakturu sa fiskalnim računom, obrtnici dostavljaju fakturu ili fiskalni račun i fizičko lice dostavlja otkupni blok (potvrdu) otkupljivača za prodati proizvod.

Subvencioniranje troškova plasteničke proizvodnje

Pravo na novčanu podršku ostvaruju kandidati sa područja Općine Velika Kladuša koji se bave plasteničkom proizvodnjom u iznosu od **1,50 KM/m²** površine plastenika evidentirane u Registru poljoprivrednih gazdinstava za pravna lica i obrtnike dok za fizička lica iznosi **1,00 KM/m²** površine plastenika. Uz zahtjev za novčanu podršku, kandidati prilažu slijedeću dokumentaciju:

- a) lista korištenja zemljišta iz Registra poljoprivrednih gazdinstava.

OSTALE SUBVENCije

Subvencioniranje dijela troškova kredita u svrhu poljoprivredne proizvodnje

Pravo na novčanu podršku ostvaruju kandidati koji su realizirali kredite u komercijalnim bankama ili mikrokreditnim fondacijama u svrhu poljoprivredne proizvodnje. Subvencionira se redovna kamata plaćena/obračunata u toku 2018. godine onim poljoprivrednim gospodarstvima koja imaju sklopljen ili u tekućoj godini sklope ugovor o kreditu s poslovnim bankama sa ciljem unapređenja, modernizacije i povećanja obima svih vidova poljoprivredne proizvodnje i ostalih usluga i djelatnosti vezanih uz poljoprivredu. Ukupna visina subvencije po ovom osnovu iznosi

10.000,00 KM koja će se raspodijeliti po potencijalnim kandidatima u visini maksimalno do 70% plaćene/obračunate kamate za 2018. godinu. Uz zahtjev za novčanu podršku, kandidati prilažu slijedeću dokumentaciju:

- a) kopiju Ugovora o kreditu iz kojeg se vidi namjena kredita
- b) plan otplate kredita
- c) potvrdu od banke o visini plaćene/obračunate kamate u toku 2018. godine.

Subvencioniranje unaprijedenja rada udruženja koja okupljaju poljoprivredne proizvođače

Pravo na novčanu podršku ostvaruju udruženja koja okupljaju poljoprivredne proizvođače radi zajedničkog nastupanja na tržištu i zaštite prava poljoprivrednih proizvođača a koja su registrovana na području općine Velika Kladuša. Subvencija za ovaj vid podrške poljoprivrednim proizvođačima ukupno iznosi **10.000,00 KM**. Uz zahtjev za novčanu podršku, kandidati prilažu slijedeću dokumentaciju:

- a) kopiju Rješenja o registraciji udruženja
- b) popis članstva udruženja u 2018. godini
- c) izvještaj sa posljednje održane Skupštine udruženja
- a) kopiju završnog godišnjeg finansijskog izvještaja organizacije za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe.

Subvencioniranje troškova nabavke dizel goriva za potrebe jesenje pripreme poljoprivrednog zemljišta

Pravo na novčanu podršku ostvaruju kandidati koji se bave biljnom krmnom proizvodnjom koju su prijavili u Registru poljoprivrednih gazdinstava za 2018. godinu u iznosu od **20,00 KM/ha** površine za pravna lica, obrtnike i fizička lica koji obrađuju najmanje 1 ha površine poljoprivrednog zemljišta. Korisnici kojima se odobro ovaj vid podrške su dužni nakon nabavke goriva dostaviti u Službu za privredu i upravljanje integriranim razvojem kopiju fiskalnog računa za pravdanje utroška sredstava.

Uz zahtjev za predmetnu novčanu podršku, kandidati prilažu slijedeću dokumentaciju:

- a) listu korištenja zemljišta iz Registra poljoprivrednih gazdinstava.

Da bi ostvarili pravo na gore navedenu novčanu podršku, kandidati podnose zahtjev Službi za privredu i upravljanje integriranim razvojem Općine Velika Kladuša.

Zahtjev za ostvarivanje prava na novčanu podršku u primarnoj poljoprivrednoj proizvodnji za 2018. godinu može se preuzeti sa službene internet stranice Općine Velika Kladuša, www.velikakladusa.gov.ba ili u prostorijama Općine, Služba za privredu, kancelarija broj 15, Ulica Hamdije Pozderca br. 3, 77230 Velika Kladuša svakim radnim danom u vremenu od 07:30-16:00 sati.

Ispunjeni zahtjev sa svom zahtijevanom dokumentacijom se mora dostaviti u zatvorenoj koverti preporučenom poštom ili lično tokom radnih dana (ponedjeljak – petak), u periodu od 07:30 do 16:00 sati, na slijedeću adresu: **Općina Velika Kladuša, Pisarnica, Ul. Hamdije Pozderca 3, 77230 Velika Kladuša**

Provjera statusa pravnog lica, obrtnika i pravnog lica u Registru poljoprivrednih gazdinstava i Registru klijenata kao i utvrđivanje eventualnih obaveza, odnosno dugovanja prema Općini Velika Kladuša će se vršiti po službenoj dužnosti.

Nakon utvrđivanja ispunjavanja uslova za ostvarivanje prava na novčanu podršku u primarnoj poljoprivrednoj proizvodnji za 2018. godinu, odlukom Općinskog načelnika će se odobriti isplata novčane podrške u visini utvrđenoj nakon obrade pristiglih zahtjeva.

Javni poziv ostaje otvoren do 14.09.2018. godine.

Za sve dodatne informacije možete se obratiti lično u kancelariju broj 15 ili putem telefona 037 775 315, kontakt osobe Sanela Dervić-Mujakić i Haris Mašinović.

Obradivač: Sabina Mehadžić – Bašić



Dostavljeno:

1. Oglasna ploča
2. službena internet stranica Općine
3. JP RTV Velika Kladuša
4. u spis
5. a/a

